

# მშენებელი

№ 22

1917

## წინათ და ახლა.

განა დიდი ხანია მას შემდეგ, როცა საბრალო მუშა რკალივით იგრიხებოდა თავისი „საყვარელი“ და „კეთილისმყოფელი“ აღის წინაშე, რათა მისი დახმარებით ნახევრათ მშვიერი არსებობა თვისი უზრუნველყო?...



ახლა კი რას ეხედავთ?..

# პატარა ფელეტონი

## შინ აღვრეხვს წყალს?

მას შეეძგე, რაც ძველი წესწყობილება დაემხო, თფილის ქალაქი „სიეზდების“ ასპარეზათ გადაიქცა.

არავის ამის საწინააღმდეგო არაფერი აქვს და მით უმეტეს თვით „სიეზდის“ წევრებს.

ამ „სიეზდთა“ შორის ჩემი განსაკუთრებული ყურადღება და სიყვარული მხოლოდ ორმა: სამხედრო და საგლეხო სიეზდებმა დაიმსახურა.

ჩემდა სამწუხაროთ უნდა აღვნიშნო, რომ თუ ქალაქში გავრცელებულ ქორებს დაუჯერებთ, სამხედრო სიეზდი ამ ზაფხულში თითქმის მოათავებს საკირო კითხვების გარკვევას, შემოდგომაზე არჩევნებს მოახდენს და ჩაზამთრებისას ფრონტს დაუბრუნდება. ყოველი შეყვარებული ოპტიმისტი და მეც არა მჯერა ამ ხმების სიმართლე. ჩემის აზრით საყვარელი სიეზდი ზამთარს მაინც გაატარებს აქ, თუმცა მოსალოდნელია მომავალი გაზაფხულიც ჩვენ გვაჩუქოს\*)

გლეხთა სიეზდი ჯერ-ჯერობით ახალი ხილია და არა მაქვს არავითარი საბუთი მის შესახებ გადაჭრით რაიმე ვსთქვა. შემძილია აღვიარო მხოლოდ ერთი:

ყანებში დაბრუნება უფრო ადვილი და სასიამოვნოა, ვიდრე სანგრებში.

მაგრამ დროა საგანს დაუბრუნდეთ. ჩემს მიზანს სრულიადაც არ შეადგენს სიეზდების „ხარაქტერისტიკა“. მე მსურს მხოლოდ მცირეოდენი განმარტება შევიტანო ორივე სიეზდზე ჩემ მიერ შენიშნულ გაუგებრობაში. ორივე სიეზდზე წარმოითქვა ფრაზა:

„ძველი მთავრობა ვერაგულათ ამღვრევდა წყალს და ცდილობდა მღვრიე წყალში თევზები დაეჭირა“.

ამხანაგო გლეხებო და ამხანაგო ჯარისკაცო! მე არა ვარ ძველი მთავრობის დამცველი, მე არა მსურს მათი ბატონობის აღდგენა, მაგრამ მომეცით ნება აღვადგინო მხოლოდ ქვეშაობები, ის ქვეშაობები, რომლისთვისაც თქვენ ყველანი ასეთი თავგამოდებით იბრძვით ქ. თფილისში.

ამხანაგებო! მართალია ბევრი უსამართლოება, ბევრი ბოროტ-მოქმედება მიუძღვის ძველ მთავრობას, მაგრამ რაღა საჭიროა მას ზედმეტი უმსგავსოება მივაწეროთ. მართალია საღმრთო წერილი ამბობს: „ვისაცა აქვდეს მიეცეს და მიემატოსო“, მაგრამ ეგ სიმდიდრის შესახებ არის ნათქვამი და არა დანაშაულობათა.

ამხანაგებო! მე დანამდვილებით ვიცი, (და შემძილია ყოველთვის და ყოველგან დავამტკიცო ჩემი ნათქვამი), ვიცი ვინც მართლად ამღვრევს წყალს. ამის შესახებ დიდი ხნის დაკვირვებაცა მაქვს და მრავალი მოწმის მოყვანაც შემძილია. მე მამბრკოლებს მხოლოდ ერთი გარემოება:

„ჩემის თვლით არ მინახავს იქერდენ თუ არა თევზებს ამ მღვრიე წყალში ბოროტმოქმედნი“.

თუ ეს უკანასკნელი გარემოება დიდს დანაკლისს არ შეადგენს, მაშინ ნება მიბოძეთ დავასახელო თქვენს წინაშე თუ ვინ არის ასე ვერაგულათ რომ ამღვრევს წყალს.

ამხანაგებო!

წყალს ამღვრევს მხოლოდ და მხოლოდ თფილისის ქალაქის გამგეობა.

ეს ისე აშკარა და ნათელია, როგორც დღე-ვერსად სხვა ქალაქში თქვენ ისეთ მღვრიე წყალს ვერ ნახავთ, როგორც თფილისში და ვინაიდან ამ მღვრიე წყალში მე ჯერ-ჯერობით ერთი თევზიც არ შემხვედრია, ცხადია, თევზებს იქერენ ქალაქის მამები და ამ საქმის ხელმძღვანელები.

მაშ დროა ბოლო მოეღოს ამ უსაფუძვლო ბრალდებას შესახებ ძველი მთავრობისა და დამნაშავის სკამზე დასმულ იქმნას ქვეშაობი წყლის მმღვრეველი—თფილისის ქალაქის გამგეობა.

მორიელი.

\*) ეს წერილი დაწერილი, დაბეჭდილი და წაკითხული იყო, როცა შევიტყვეთ თავზარ ღმცეი ამბავი სამხედრო „სიეზდის“ გათავებისა. ამგვართ ჩვენი იმედები აღარ გამართლდა. მაგრამ ჩვენ ჩვენს იმედებს სალდათებზე არასოდეს არ ვაშყრებდით ხოლო რაც შეეხება გლეხთა „სიეზდის“ ის საიმედო ნიშნებს იძლევა თფილისში დაზამთრებისას.

# სანაძლეო ცხენმაგვარიძე- თა\*) უნსახე

## წინასიტყვაობა

თუ მეხსიერება არა მალატობს, ეს ამბავი მე წინეთაც დამიწერია. ერთ-ერთ ადესელ რუსულ გაზეთში ასეთი განცხადება დაიბეჭდა:

„ვციდი კვერცხებს, რომლისგანაც გამოიჩეკება ქათმები წონით არა ნაკლებ სამი ფუთისა. გთხოვთ მიმართოთ ამ ადრესზე“.

და ნაჩვენები იყო ადრესიც ქალ. ადესაში.

ერთმა ოზურგეთელმა ვეჭილმა მყისვე გააგზავნა ხვედრი ფული და გამოიწერა საკვირველი კვერცხები.

რამოდენიმე ხნის შემდეგ ოზურგეთელ ვეჭილს ფული უკანვე დაუბრუნეს, მაგრამ ფულს თან ასეთი თავაზიანი წერილიც მოჰყვა:

„მოწყალეო ხელმწიფევ! თქვენ მიერ გამოგზავნილ ფულს უკანვე გიბრუნებთ უდიდესი მადლობითა და სიყვარულით. თუ არ თქვენ, მე იძულებული ვიქნებოდა დიდძალი ჯარიმა გადამეხადა. საქმე შემდეგშია: მე სანაძლეო დავსდე ჩემს მეგობართან შესახებ სან ფუთიანი ქათმისა. ის ამბობდა: „რუსეთში არ იქნება ისეთი სულელი, რომელიც დაიჯერებს ამგვარ განცხადებასა“. მე კი ვამტკიცებდი: „ერთი ვინმე ასეთი მაინც გამოერგვა მეთქი და როგორც ხედავთ მართალიც გამოვედი“.

მკითხველმა გამოიცნოს რა გუნებაზე დადგებოდა ის ერთათ ერთი ოზურგეთელი ვეჭილი ამ თავაზიანი წერილის შემდეგ.

მე და ჩემ საყვარელ მეგობარ იუმორისტ თაგუნას ხშირად გვქონია კამათი... ცხენმაგვარიძეთა შესახებ. დიახ, ცხენმაგვარიძეების შესახებ მკითხველ

\*) ძველათ, როცა რომელიმე მოხელის გულის მოკება უნდოდათ, მის ტიტულს ყოველთვის გადაჰარბებდნენ ხოლმე. თუ ის უბრალო „კეთილშობილება“ იყო მს „მალაქეთილშობილებას“ დაუწერდნენ, თუ „აღმატებულება“ იყო მას „მალაღმატებულებს“ და სხ. ჩვენც ზემოაღნიშნული სიტყვა „ცხენმაგვარიძე“ ორი საფეხურით ავსწივთ უფრო დაბალი კატეგორიიდან.

თა შორის. ჩვენ გვიანტერესებდა უმთავრესათ მათი რაოდენობა. მართალია არსებობს სტატისტიკა ცხენების შესახებ, მაგრამ ის შეეხება სრულიად უდინაშაულო, წერაკითხვის არ მკოდნე და ოთხფეხ ცხოველთ, რომელთა წინაშე მე მოკრძალებით ბოდიშს ვიხდი ცხენმაგვარიძეების მათთან შედარებისათვის.

ამხანაგი თავუნა ყოველთვის პესიმისტი იყო აღნიშნულ დარგის მკითხველთა შესახებ, მე კი მუდამ ოპტიმისტი. ის ყოველთვის გულგატეხილი იყო და ამბობდა: ქართულ მწერლობას არა ჰყავს ცხენმაგვარიძენი მკითხველთა შორის, არა ჰყავს ისეთი პირი, რომელიც ვერ გაიგებდეს კარგ იუმორისტულ წერილსო“. მე კი დაჟინებით ვამბობდი: „მეგობარო, არ ვარგა ყველაფერზე გულის გატეხა. შეიძლება ბევრ რამეში იყოს ჩამორჩენილი ჩვენი ხალხი, მაგრამ ამ მხრივ მაინც პესიმიზმს ადგილი არ უნდა ჰქონდეს: ჩვენ საქროზე მეტი გყავს ცხენმაგვარიძეთა დარგის მკითხველნი. სავალალო ამ შემთხვევაში მხოლოდ ის არის, რომ მათი დიდი უმეტესობა ჩვენს მსოფლმხედველებას არ იზიარებს და სხვა პარტიებს ეკუთვნიან, მაგრამ ამით ეროვნული ინტერესები არაფერს ჰკარგვენ მეთქი“.

იმან თავისი დაიჟინა, მე კიდევ ჩემი და ჩვენც დავდეთ სანაძლეო ცხენმაგვარიძეთა შესახებ.

ამ მიზნით ამხანაგმა თავუნამ დასწერა მშვენიერი პატარა ფელეტონი, სახელწოდებით „ნოე უორდანია“ და მოათავსა გაზეთ „ალიონში“.

როდესაც მე აღნიშნული ფელეტონი წავიკითხე, გულში უნებლიეთი შური დამებოდა. და ვიფიქრე: „ახ ნეტავი მე დამეწერა მეთქი“. მაგრამ შურის გრძნობა მყისვე ჩაჩრდილა ჩემმა უზომო სიხარულმა, ვინაიდან ფელეტონის წაკითხვისთანავე დავრწმუნდი, რომ სანაძლეოს უთუოდ მოვიგებდი, რომ ჩემი სტატისტიკა ცხენმაგვარიძეთა არსებობის შესახებ ბრწყინვალეთ გამართლდებოდა.

სინამდვილემ ყოველივე მოლოდინს გადააქარბა და ამხანაგ თავუნას პესიმიზმს სასიკვდილო მახვილი ჩაეცა. მიუხედავთ ასეთი ბრწყინვალე გამარჯვებისა, მე მაინც დამშვიდებით შევხვდი ფაქტს, ვინაიდან დარწმუნებული ვიყავი, გავიმარჯვებდი.

ცხენმაგვარიძენი მრავლად აღმოჩნდნენ არა თუ მივარდნილ პროვინციებში, საიდანაც მე სამართლიანად მოველოდი მათ გამოხმაურებას, არამედ

აქ, საქართველოს დედა ქალაქ თფილისში და თფილისშიც არა რომელიმე მოძულეებულ უბნებში, არამედ პირდაპირ ცენტრში და წარმოიდგინეთ ცენტრის გულში რედაქციებშიც.

გნებავთ საბუთები? ინებეთ.

აი რასა სწერს თფილისში კარგათ ცნობილი, „სოციალისტ-რევოლიუციონერთა“ ორგანო ვაზ. „კავკასკოე სლოვო“ 24 მაისის ნომერში.

**„ალიონი ნოე ჟორდანიას შესახებ.“**

„ვილაც თავუნა ვაზეთ „ალიონში“ სასაცილოდ იგდებს სოციალ დემოკრატიულ პარტიის ლიდერს ნოე ჟორდანიას და სწერს:

„1905 წ. ნოე ჟორდანია განიზრახა რუსეთის მეფის, ნიკოლოზ II-ის, ტახტიდან ჩამოგდება, რათა თითონ გამეფებულიყო, მაგრამ ველარ მოახერხა და 1917 წლისთვის გადასდო.

დანიშნული ვადა რომ მოახლოვდა, ვაგზავნა პეტროგრადას თვისი მეგობარი კარლო ჩხეიძე, ჩამოაგდებინა ნიკოლოზ მეორე და საქართველოში თვითმპყრობლათ თავისი თავი გამოაცხადა, ხოლო—რუსეთი კ. ჩხეიძეს დაუთმო.

ჩაიგდო თუ არა ხელში საქართველო, მაშინვე გადასწყვიტა მისი ვაყიდვა და მოლაპარაკება გამართა ქართველი ერის ისტორიულ მტერთან, სომხებთან.

სომხებმა ჩააბარეს ნ. ჟორდანიას ბე, 50 მილიონი მანეთი, მაგრამ ამას თვალი შეასწრეს ვაზეთ „სამშობლოს“ რედაქციის წევრებმა ექ. ვას. წერეთელმა და ტ. მარგველა შვილმა და საქვეყნოთ ამხილეს ჟორდანია.“

ასე ვაიგეს სიტყვის აავისუფლება\*) „ალიონის“ ჟურნალისტებმა. რევოლიუციის მოხდენამდე რადიკალური და მემარცხენე ჟურნალ ვაზეთები ქართველ-სომხეთა საკითხის გამწვავებას ძველ მთავრობას აბრალებდენ.

ახლა კი, ამ თავისუფლების ხანაში ვისთვის არის საჭირო ნაციონალური ანტოგონიზმი და ასეთი „ალიონისებური“ პასკვალები?

ნუ თუ არა სცხვენიათ?!

(Кавказское Слово № 112).

\*) ასე ვაიგეს იუმორისტული სიტყვის დანიშნულება Кавказское Слово-ს რედაქციაში აღმ-ჩმნილმა ცხენმაგვარიძებმა.

როდესაც ამ სეზანიშნავ ცხენმაგვარიძულ შენიშვნას ვკითხულობდი ჩემს აღტაცებას საზღვარი არა ჰქონდა. ვანა შეიძლება ამაზე უკეთესი საბუთი თვით უდიდეს რედაქციაში ცხენმაგვარიძეთა არსებობისა? მე ვიცი ამხანაგი თავუნა ასე ადვილათ არ დასთმობს თავისს პესივისტურ პოზიციას და მეტყვის:

— ვერ მოგართვეს ამხანაგო, „კავკასკოე სლოვო“ ეს რუსული რედაქციაა და მე კი ქართველთა შორის არსებულ ცხენმაგვარიძეთა შესახებ დავსდე შენთან სანაძლეოო.

მისთვის ყოველივე ცდა ამაოა. თუ საჭიროება მოითხოვს მე იმასაც დავამტკიცებ, რომ ზემოდასახელებული შენიშვნა „კავკ. სლოვო“-სი სწორეთ რომელიმე ქართველი ცხენმაგვარიძის კალამის ნაყოფი იქნება. სხვაფრივ წარმოდგენაც არ შეიძლება.

მე სხვა მაგალითებს აღარ მოვიყვან. რამდენიმე ამგვარი თვით ამ. თავუნასაც მოჰყავს ალიონის მორიგ ფელეტონში. ამგვართ ჩვენი სანაძლეო ვადაჭრილათ უნდა ჩაითვალოს. ის მე მოვიგე. უტყუართ დამტკიცდა, რომ ქართველ ერს ბლომათა ჰყავს ცხენმაგვარიძე მკითხველები, როგორც პროვინციაში, აგრეთვე სატახტო ქალაქში. მე თითონაც არ მოველოდი ჩემი შეხედულობის ამგვარ გამარჯვებას და თუ ამხანაგი თავუნა საკითხს ისევ სადაოთ ჩასთვლის, ვე მისი ნებაა. აშკარაა მხოლოდ ეს:—ცხენმაგვარიძე მკითხველები ჩვენ მრავლად მოგვეპოვებინან, მაგრამ მათ შორის პრიზი ვაზეთ. „კავკასკოე სლოვოს“ რედაქციას ეკუთვნის.

ეშპაკი.

### ც ნ ო ბ ა

## ფოთის კომისარ „გუსუნა“-საგან.

რ ა ვ კ ო რ ტ ი.

1.

ჯოჯოხეთს ჰქონდა, თურმე, ყრილობა. მივიღე მუნით მოწერილობა. შეუდგენიათ მათ კომიტეტი, (მილიციასაც ხელში აქვს კეტი).

მე უტუ-გრადის კომისარობა  
 მარგეს, არც შეთქმის მის უარობა.  
 შეუდგე ფიცხლავ მოვალეობას:  
 ვიჩენ სიმტკიცეს, სიბრძნეს, მხნეობას.  
 ძველი მთავრობა მოვსპვთ ქალაქში,  
 ახალი ჩავსვით ჩვენ მათ აღღაგში.  
 დანარჩენ მავნე საეკვო პირებს,  
 (თუმც საიდუმლოთ აქ განახშირებს),  
 გადავუწყვიტეთ დატუსაღება,  
 (ზოგს არც კი სურდათ კარის გაღება)  
 ტყვეობას რაკი ერიდებოდენ,  
 ზოგიც „ყუღეშას“ აღარ გვხვდებოდენ;  
 ზოგს ისე შურდა წამობრძანება,  
 რომ სიცოცხლესაც თავი ანება,  
 (თავში უნდოდა, დაიჭრა ფეხი,  
 დიდი ხნით ადრე ის მოსატეხი).  
 ციხეში მათთვის გვეძლია პური,  
 ძნელი შეიქნა ეგ სამსახური,  
 და როს დაგვიდგა პურის ძვირობა,  
 დავადებინეთ ჩვენ სხვა პირობა:  
 მუნით უყავით მათ ექსორია,  
 (ჩვენი ტაქტიკა ერთობ სწორია).  
 რა საჭიროა ტყვეობა მათი,  
 რა საჭიროა ვკვებოთ ჯალათი?  
 ამას ითხოვდა გონება სალი,  
 დავასვით ყველას ნიშანი-დადი,  
 რომ ცნობა მათი ადვილი გახდეს  
 და ბნელი საქმეც იმათი წახდეს.

აგრძელების ბაზო

2.

„ფოთას ქალაქის კომისარად  
 არჩეულ იქმნა „ბუტუნა“,  
 თუმცა მან სავაჯოხეთის  
 ბოლო დროს ცოტა უმტუნა“.

„ეშ. მ. თრახი“ № 17

აი ბრალდება თუ გნებავთ  
 მძიმე და შეუფერები...  
 ქაჯთა მთავრობის შეცდომა...  
 (პირში არ მოვეფერები).  
 არა თუ რამე „სიმტყუნე“  
 პირობით „ნამსახურები“!!!

მიტინგებს, კრებებს, კომიტეტს,  
 გამოვუქედე ყურები.  
 ევროპის ჯანდარმს წესს ვუგებ  
 ვუგალობ „სულთა თანასა“  
 კაიზერს გავაღვსინებ,  
 თავის დასიკლავ დანასა,  
 იუნკრებს დავუძმობილებ,  
 გერმანელ პროლეტარებსა,  
 რითაც შევანგრევ კრუპის და  
 მილიტარიზმის კარებსა.  
 მეფე, კანცლერი, კრონპრინცი  
 დარჩეს უჯაროთ ეული,  
 ჩასხდენ ლიბკნეხტის ადგილას  
 ხალხისგან გამობილ წყეული.  
 მაშინ გავმართოთ ყრილობა  
 სრულ საპატიო ზავზედა,  
 ცოდვები ომის ამტეხმა  
 მიიღოს თავის თავზედა.  
 მანამ ხმელეთზე, ჰაერში,  
 ზღვაში, ქვესკნელშიც ომია  
 ჯოჯოხეთს ჩემგან სხვა კიდევ  
 ვერ მიხვდი რალა სდომია?

ქუჩურით-ქრილობა.

3.

მთავრობა მოკვდა, გაიხრწნა ლეში,  
 (თუმც მკვდარი იყო ის სიცოცხლეში)  
 მარა როდესაც სიკვდილის ცელმა  
 მხერებს და თავს შუა მას გაუეღვა,  
 დაზავდა მძოვრის კალო და ხეავი  
 რომელსაც დასდევს ყორანი-ყვავი,  
 ამ სიბინძურეს ხალხი მარზავდა,  
 და მესაფლავეს ტოლი არ ჰყავდა,  
 მარა სიდიღე მიცვალებულის  
 (ტრფობის საგანი ქურუმთ კრებულის)  
 ახდენდა უცხო სანახაობას  
 აღლომიც ჰქონდათ ყორან-ყვაობას  
 მკვდრის დამარხვასაც აღარ უცდიდენ  
 ლეშს ნისკარტებით ძვალზე აკლიდენ.  
 იყო ყვირილი, ჩხავილი, ფრენა,  
 აღარსად იყო მუნ ყურთა სმენა.  
 ამ შავ „ფრთოსანთა“ ურიცხვი გუნდი  
 (სიკვდილს რომ ვალობს სიცოცხლის ხუნდი)

ახლანან ფოთსაც კი მოევლინა,  
ჩხავილი თვისი მუნ აღავლინა.  
(მე მათი ჯარი ასეთი დიდი,  
ყუთს რომ იდგამდა აქ ლეონიდი  
ეგ საარჩევნო გზაი და ხიდი  
ერთი ცნობილი მიმართულების  
აღაგი უყვართ, იმათ ფულები\*)  
ცალფეხი კაცმა რომ დაამარცხა  
ეფისკოპოზი ძირს დაანარცხა.  
თუმცაღა მაშინ ხუცების ჯარი  
მოაწყდა ქალაქს ვით ნიაღვარი,  
მარა დღეს იყო იმაზე მეტი  
(ლეგიონია ეს გასაწყვეტი).  
საშიში იყო დასანახავად  
(ქუჩები სჩანდა ყოველგან შავათ)  
მნახველს უთუოდ დააღონებდა  
და „სულის ახსნას“ მოაგონებდა.  
ჩამოფართხალდენ ბუს სასახლეში  
იქ იღვა აღბათ მთავარი ლეში,  
ომი მოუხდათ ყორნებს—და ყვავებს  
გულით და ფერით ბორბოტს და შავებს  
ყორნებმა უთხრეს „თქვენ ყვანჩალო  
ჩვენ უფროსი გვაქვს ხმა და ძალოა“  
პასუხი გასცეს ყორან მამებსო:  
„დღემდის ჩვენ თქვენგან განაწამებსო  
აწე უფლება გვაქვს ერთგვარიო  
და ძალოც კიდევ თანაბარიო“  
მწყობრად იბრძდა ორთავე მხარე  
თავთავის სურდათ მათ თავმჯდომარე.  
დათვალეს ხმები, გამოდგა სწორად  
ხმები გაიყო თანასწორ ორად.  
ასტყდა კამათი, ლანძღვა-გინება,  
ბუმაც დაჰკარგა აქ მოთმინება,  
და ყორან-ყვავებს გამოუტხადა  
დაუდვა იმათ რა მოკლე ვადა:  
ქორი დაისვით თავმჯდომარეთო,  
თორემ მიბრძანდით ყველამ გარეთო.  
დღე მოანდომეს ამ საქმეს ორი  
და თავმჯდომარეთ დასვეს ქორი.  
რაც მოხდებოდა შემდგომ ამისა,  
კრება მძებნელი სმა და ქამისა,  
რას გადასწყვეტდა ჩემთვის ცხადია,  
მკითხველმა ახსნას როგორც სწადია.

### ემშაკი ჰროვინციაში.

ჩემმა მოგზაურობამ ეპიდემიური, ანუ უკეთ  
ვსთქვათ რეგულიარული სახე მიიღო.  
აღმოსავლეთ საქართველოს დასავლეთი მოს-  
დევს ერთხომ მშვენიერი, უხვი და სტუმართ მო-  
ყვარე.

„აღმოსავლეთი იქ არის  
მზე რომ ამოდის დილ-დილას,  
სალამოს ჩაესვენება  
ის დასავლეთის მხარესა.  
იქაა ჩემი სამშობლო  
ქიზიყი, თუშეთ-ფშავეთი...  
აქაც სამშობლო მხარეა  
უნდა გვიყვარდეს კოლხიდა“.

ეს მარგალიტი უკვდავი სოლომონ ზურგიე-  
ლიძის პოეზიისა ხორცს ისხამს და მთელის თავისი  
სიმშვენიე-სიღიადით სდგება თქვენს წინაშე როცა  
საქართველოს არე-მარეს გადაჰხედავთ. ქემშარიტათ  
იშვიათია ისეთი სისწორე, სიმარტივე და სიმშვენიე-  
რე აზრისა, როგორითაც ბუნებას განსვენებული  
მგოსანი დაუჯილდოებია. მართლაც შეხედავთ და  
ჩვენი სამშობლოს ერთი მხრიდან ამოდის მზე, მე-  
ორე მხარეს ჩადის, ისეთი სისწორითა და თანდა-  
თანობით, თითქო ეშინია არ გადასცდეს სოლო-  
მონის მიერ ზემოაღნიშნულ ლექსში გამოთქმულ  
აზრსაო.

ძლიერია სიყვარული სამშობლოსადმი, რო-  
მელსაც უსიტყვოთ, მარად განუყრელათ გულში  
ატარებ, მაგრამ ასწილ უფრო ძლიერია იგი, როცა  
ამ სიყვარულს საჯაროთ აფენ, ლამაზ ფორმებში  
ასხამ და საქვეყნოთ გაჰკივი. ასეთი იყო ძველათ  
სოლომონი და ამავე გზას დადგა დღეს ჩვენი სა-  
ყვარელი მგოსანი გ. ქუჩიშვილი.

მას შემდეგ, რაც მოვინახულე ქიზიყი, კახეთი  
და იორის ველი, პირი ვიბრუნე დასავლეთისაკენ,  
რათა აღგილობრივ გამერკვია ამ კუთხის ავკარგი  
და ამეწონ-დამეწონა ჯოჯოხეთის კომისართა საქ-  
მიანობა.

#### პირველი ჩემი მუშაკობა.

ვის არ მოეხსენება, თუ რა ძნელია თფილისის  
სადგურზე ჯიბით ფულის გაპარება. ამხანაგ ჯიბგირ-  
თა აღმასრულებელ კომიტეტს მრავალი გამოცდი-

\*) ვიხუმრე, თორემ ღმერთი და რჯული  
არც მე მძულს იგი ოხერი ფული.

ლი კომისარი ჰყავს ჩაყენებული სადგურის უმთავრეს პუნქტებში. რადგანაც თითოეული მათგანი განსაკუთრებულ როლს თამაშობს პარტიაში, ამიტომ ფორმაც სხვა და სხვა გვარი აქვთ მიკუთვნებული, ვის სამხედრო, ვის სასულიერო, ვის რკინის გზის მოსამსახურეთა და ვის კიდევ სამოქალაქო. მძიმეა მათი მოღვაწეობა, ვინაიდან მუდამ იქ უხდებათ ღვთისა, სადაც აუტანელი ჭყლეტა და აყალმაყალი სუფევს, მაგრამ მიუხედავად ამისა თითოეული მათგანი პირნათლად ასრულებს თავისს წმინდა (უნდა ვიგულისხმობთ უმთავრესათ ჯიბეების წმინდა) მოვალეობას და ამ მხრივ ჭეშმარიტათ მიბადვის ღირსნი არიან ქალაქის მილიციონერთა მხრით.

ვაუკაცი ხარ და სადგურის სამხრეთ კარებიდან ბაქანამდე მათ შორსმჭვრეტელ თვალებს დაემალეები და თუნდაც ორიოდ გროშს გააპარებ ქალაქიდან პროვინციისაკენ. მაგრამ თუ აქ იშვიათ შემთხვევაში შესაძლებელია მათი სიფხიზლის ყინულზე გასურება, სამაგიეროთ ყოვლად შეუძლებელია პროვინციიდან ქალაქში ფარულად ფულის შემოტანა. აქ ამხ. ჯიბეგირთა კომისარები პირდაპირ სასწაულთმოქმედებას იჩენენ. ქალაქისა და რკინის გზის მილიცია ამაოდ ცდილობს მათ მიმბაძველობას. ამ შემთხვევაში პირველ როლს საქმის სიყვარული თამაშობს. მილიციას არასოდეს არ შეუძლია თავისი სამსახურისადმი იმდენი სიყვარული და გულმოდგინება გამოიჩინოს, რამდენსაც ჯიბეგირთა კომისარები იჩენენ.

მე მზათა მაქვს სამიოდ პროექტი ზემოაღნიშნულ მძიმე საკითხის მაგრამ ამის შესახებ უმჯობესად ვსთვლი ცალკე მოხსენება უძღვნა პატივცემულ უფროსს ქალაქის მილიციისას. დღეს დღეობით კი, მკითხველთა და თანამოაზრეთ მსურს განუმარტო ის ხერხი, რომლის მეოხებით მე გავაპარე ქალაქიდან 28 მანეთი ქალაღლის ფული.

უნდა გამოგიტყდეთ, რომ ამ საგანზე მე წინასწარ ვიფიქრე. სამი დღის შრომამ მუქთად ჩამიარა, მაგრამ მეოთხე დღეს ერთმა გენიალურმა აზრმა გაამუქა ჩემი მოქმედული გონება. მყისვე გადავთვალე ფულები, თუმანი განზე გადავდე, თუმანი გზის ფულად მოვიტოვე, ხოლო დანარჩენი 28 მანეთი თეთრის ძაფით დავაკერე პერანგის ამხანაგს მარცხენა ტოტზე, დაახლოებით კოჭის რაიონში. შემდეგ ჩავიცვი წინდა და სახლართით მავ-

რა გადავიკარი მუხლის ქვემოტე. წინდაზე დავიხვიე გრძელი ტილოს პირსახოცი, დავიხვიე ინგლისური ქინძისთავებით ხუთმეტრიოდ ალაგას და გადავიცივი ზემოდან შარვალი.

მაგრამ მარტო ამის ამარა მხოლოდ რეგვენი გაბედავს თფილისის სადგურზე ფულის გატანას. საჭირო იყო ახალი სხვა რამ საშუალება, რომელსაც შეხვეული ფეხისაგან ყოველივე ექვი აეცილება და ჯიბეგირ-კომისართა ყურადღება სხვამხრივ მიეპყრო. განსაცდელიდან აქაც ჩემმა გონებამახვილობამ მიხსნა. დავკეცე და თუმნიანების ზომასზე დავქერ 18 ცალი გაზეთი „კავკასკოე სლოვა“, თვალის მოსატყუებლათ გარედან ერთი ნამდვილი თუმნიანი შემოვახვიე და არხეინად ჩავიდე გულის ჯიბეში, როგორც ეს იციან დარღიმანდმა და მილიციის იმედით შეპყრობილმა ვაებატონებმა. ჩემი გულის ჯიბე ისე გამოიბერა, როგორც ხელოვნური მკერდი მანდილოსანთა. ჩემს ეშმაკობას ბოლო არც ამით მოეღო. სადგურის კარებში შესვლისთანავე დამფრთხალ მოქალაქესავით ვიტაცე ჯიბეზე ხელი, ამოვიღე დასტა, დავხედე და დამშვიდებულათ ჩავიდე ისევ ჯიბეში.

კომისარ-ჯიბეგირმა მყისვე შენიშნა ჩემი შეწუხებაცა და დამშვიდებაც. მაგრამ არც მე დამრჩენია შეუნიშნავი იმისი აღელვება და ნასახი სიამოვნების ღიმილისა. იმან მყისვე მოიხადა კაკარდიანი ქული, ქრელი ცხვირსახოცით შუბლი მოიმშრალა და ამით ნიშანი მისცა ამხანაგებს. ბაქანზე გასასვლელ კარებში აუწერელი ჭყლეტა შეიქნა. ხალხთა შორის მეც ოფლში ვიწურებოდი, სულიც ამომხდენოდა არ წავიქცეოდი. ბაქანზე მშვიდობიანათ გავედი. აშკარათ ვგრძნობდი, რომ ჩემს გვერდით მეტი თუ არა ხუთიოდ კომისარ-ჯიბეგირი ფუსფუსებდა. ორი მათგანი წინ მიმიძლოდა, ხოლო დანარჩენები მხრებს მიმაგრებდენ და ზურგის მხრიდან მზვერავდენ. ვაგონში შესვლის დროს კრიზისის ხანა დადგა. აშკარათ ვიგრძენ გულის ჯიბეში სიფრთხილით ჩაცურებული ხელის ფათური. სქლად შეკრული ქალაღლი ქურდულათ ამოცურდა და ხელთან ერთად სადრაც მიიმალა.

მე მყისვე ყვირილი ავტეხე. თქვენ აღვილათ მიხვდებით ჩემი ყვირილის მიზეზს. რასაკვირველია ამ მოულოდნელი ხმაურობით მე მინდოდა კომისარების დაფრთხობა და სამშვიდობოში გასვლა. ეს

### წინეთა ახლა.

ჯერ კიდევ გუშინ ჯარის კაცი მხოლოდ ცოცხალი, მაგრამ უენო იარაღი იყო მთავრობის ხელში. მას დასცინოდნენ, აბუჩათ იგდებდნენ. ის იყო მზარეული, მეტლე, ძიძა და მრეცხავი თავისი უფროსისა...



ახლა კი...



# წინეთ და ახლა.

წინეთ ხელთა აღმზრდელთა „ლომობიერ“ მუხრუჭში მოსწავლე თავს ისე „თავისუფლად“ გრძნობდა, ვითარცა ბუღბული კატის კლანჭებში. საითაც სურდათ იქით აბამდენ ყურსა, როგორაც მექოთნე ქოთანსა და ზრდიდენ მათგან მონათა ძველ რეჟიმისათა...



ოიულინგ-

ახლა...

ასეც მოხდა. რამოდენიმე კაცი მყისვე გაძვრა-გა-  
მოძვრა და მეც თავისუფლად ამოვისუნთქე.

ნახევარი საათის შემდეგ, როცა არხენად ვა-  
გონის კუთხეში მიქყლეტილი ვიჯექი, სიამოვნებით  
ვიცინოდი. ჩემს თვალწინ იდგა მთელი მიტინგი  
ჯიბგირ-კომისარებისა. აი მათ მოემატა კიდევ ხუ-  
თი და ერთმა მათგანმა გახსნა ერთგულად შეხვეუ-  
ლი სქელი ქალაღის კონა. ყველა აღტაცებით  
უყურებს. აი გამოანათა ახალმა, გატკეცილმა თუ-  
მნიანმა. აღტაცება გაიზარდა. შაგრამ... გადაიფუ-  
რცლა ერთი და კომისართა თვალს გულსაკლავი  
სურათი გადაეშალა. ნაცვლად თუმნიანებისა, მხო-  
ლოდ ნაგლეჯი ქალაღი და ისიც ნაგლეჯი „კავ-  
კახსკოე სლოვოსი“!

ღიახს მე ვიცინი აქ, მაგრამ აი რა ტრადი-  
კულ მდგომარეობაში არიან ჩემ მიერ მოტყუებუ-  
ლი ჯიბგირები. უბედურებმა რა იცოდენ, თუ მთა-  
ვარი თანხა ფეხზე მქონდა მიკრული თუ არა  
ვცდები, თავისუფლებისა და მილიციის დამყარების  
შემდეგ ეს პირველი შემთხვევაა თფილისის სად-  
გურზე ფულის გატანისა. მე ამით რასაკვირველია  
არა მსურს თავი მოვიწონო, ან ვისიმე ყურადღე-  
ბა დავიმსახურო, არამედ მინდა მივუთითო მოგ-  
ზაურთ იმ პატარა საშუალებებზე, რომლითაც მათ  
შეუძლიათ ასე თუ ისე ორიოდ გროში გააძვირი-  
ნონ კოტრაბანდათ თფილისის სადგურზე. თფილი-  
სის მილიციის უფროსსაც შეუძლია ეს, ჩემ მიერ  
გამოგონილი ხერხი, განცხადების სახით ქუჩებში  
გააკრას და მით მოგზაურთა კეთილ დღეობას ხე-  
ლი შეუწყოს.

ყოველივე ეს, რის შესახებაც მე აქა ვსწერ,  
ღამით მოხდა. მეორე დღე უკვე დასავლეთ საქა-  
რთველოში გამითენდა. მაგრამ ამის შესახებ შემ-  
დეგ.

(შემდეგი იქნება)

ეშმაკი.

# პ რ ე ბ ა ზ ე

ვიყავ კრებაზე  
და ამ თემაზე  
მინდა დავსწერო ორიოდ სიტყვა:  
თითთა წევრზე,  
წევრთა ქცევაზე,  
ან, რაც იქ მოხდა და რაც-რამ ითქვა.

მოგესხენებათ  
და გეცნობებათ,  
რომ დღეს ვაქრობი „სოციალისტობს“,  
„წესზე“ ვაქრობით  
(ნარდათ, ნაქრობით)  
ჰყიდიან წიგნებს, არვინ თაღლითობს!  
მართავენ კრებს  
ჰკრავენ კავშირებს —  
მათაც სურთ ქონდეთ ერთობა მტკიცე,  
რომ მათ მყიდველებს  
(ვინც უთბობს ხელებს)  
აღარ ევაქრონ — რაცა სთქვან, მისცე!  
კიდევ; თვის ნოქრებს,  
დღეს შენატოკებს  
რომ დაუდუმონ ენა და პირი,  
იმათ მოთხოვნებს  
(ძველ დანაყოფებს)  
საერთო ძალით აღინონ ბღღვირი;  
— აი, რას ეტრფის  
რისთვის ქშენს, იბრძვის  
თავ-გამოდებით ჩვენი ვაქრები,  
ოფლათ ღნებიან,  
ღროსა ჰყვებიან  
და იმართება მათი კრებები...  
ჰო-და, ერთ ასეთს  
(ოჰ, დიდება ღმერთს!)  
ვაქრების კრებას მეც დავესწარი,  
და ვუმაღლი ბედს  
ჩემსა შემოქმედს  
რომ მუნით ცოცხლად გამოვასწარი...  
შეიქნა შფოთი  
აღიაქოთი  
აბრახუნებდენ დანჯღრეულ სკამებს,  
თვით თავმჯდომარე  
(ფეხზე მდგომარე)  
გაჰკივის, მაგრამ ვერვის აჩუმებს.  
ზოგი წვერები  
„საქმის“ მცველები,  
ჯგუფ-ჯგუფათ ცალკე იკრიბებოდენ,  
ანაღელვები  
(უფრო ძველები)  
თავმჯდომარეს არ ეთანხმებოდენ.  
და ასე, ვაქრებს  
დიდ ნაღირღაცებს

გაკვირვებული ვუსქერდი ვჭვრეტდი,  
 ვხედავდი მუშტებს,  
 მსხვილ შენაკუმშებს  
 და, კარებისკენ მე მოვიწვიდი!  
 გამოველ გარეთ  
 (მეტათ მწუხარეთ) —  
 გზაზე-კი ისევ მათზე ვფიქრობდი,  
 ჯიღების აჩრდილს  
 ჩემკენ გამოწვდილს  
 კარგა ხანს ველარ განვმორებოდი..

ალბუკიონი.

# მრეწველი

ვოდველი I მოქმედებათ.

(ვუძღვნი ჭიათურის სეზონის, ანუ გამქცევ მრეწველებს მომავალი პიკნი:

ევტიხი ბითურიშვიდი მრეწველი . . . . .	32	წ.
ესიკელა მისი მისამსხურე . . . . .	22	”
გოჯასნიერ გაქლექილადე, მიწის მეზატრახე . . . . .	50	”
კესარია, გოჯასნიერის რძალი, ქვრივი . . . . .	42	”
შტეიგერი . . . . .	45	”
კანტრალიორი   შავი ქვის . . . . .	36	”
მწონელი . . . . .	33	”
აბდულა თათარი, მეფურნე . . . . .	34	”
მეურმეები სხვა და სხვა ხნოვანების.		

მოქმედება სწარმოებს დ. ჭიათურაში წარსულ წლებში. სტენა წარმოადგენს კანტორის ოთახს, რომელსაც აქვს შუა კარები მუშა-მისამსხურეთა შემოსასვლელათ, მხოლოდ მეორე კარი იხედება, რომელიც მიდის სადარბაზო ოთახში, მაგიდასთან ზის ევტიხი ბითურიშვიდი და სთვლემს. მთელი ღამე კარტის ნათამაშებს თვალები ჩავარდნილი და სახე გაფითრებული აქვს. ფარდის ახდის შემდეგ ჰაუსა. შემოდის კანტრალიორი.

## I

ევტიხი და კანტრალიორი.

კანტრალიორი. ევტიხის ვახლავარ!

ევტიხი. გაგიმარჯოს ღმერთმა. სხვა, რაგვა საქმე? ის მწონელი ვარგა თუ არა? ხომ იცი მე გამოცდილი მწონელი თუ არ მიყოლოა ხელს არ მომცემს.

კანტრალიორი. (ცბიერად) მწონელი მე და შენ რომ ვიცით სწორეთ ისეთია. ას ფუთში რომ ოცი არ აჰკრას ის დღე მას დღეთ არ მიაჩნია.

ევტიხი. (ღიმილით) ყოჩაღ! ასში ოცი, ეგ კარგ ანგარიშს იზამს.

კანტრალიორი. გამოცდილი კი არა ნაღდი გამოსუქინსინებულია, ვერც საჩხერელი ჩარჩი აჰკრავს არშინში იმდენს, რასაც ის სასწორში. მგონია ქვიტირში ხაბურძაკი არ მოსულა იმდენი, რაც მაგას პროტოკოლი აქვს შეყენებული ამ ბაცაცობის სათვის. კვირაში ორი-სამი პროტოკოლი უეჭველი იყო უწინდელი ხაზენის ხელში. ახლაც იმ საქმეზე, მგონი ორნოცდაათი პავესტკა აქვს მოსრული: ზოგი მიროი სუდიდან და ზოგი ოკრუენიდან. ყველა პრატაკოლმა გასკრას, მგონია კანონიც აღარ დარჩეს მაგის დასასჯელი!

ევტიხი. ოჰო, შენ პირს შაქარი, რეკამენდაცია გვარიანია. ნაღდი საჩემო ყოფილა. ფრთხილათ კი იყავით, რომ კანტორის სახელი არ გეილანძლოს, თვარა არც ის ვარგა. ეცადეთ „სავეტიკანტროლებმა“ ოქმი არ შეგვიყენოს.

კანტრალიორი. შეაყენონ, მერე რა! საქმე იმაშია სულში ვინ გეიმარჯვებს, თვარა წერას რა ქკუა აქვს. დედიმისიშვილია და ერთი მეურმე იტყვის, რომ მწონელმა მოგვპარაო. მერე სად მიდიან! ოქროს საქონელი რომ ჩამაიტანონ, მაინც დაუბრაკავ. იმათი სული ჩემ ხელშია. სულში იტყვიან: „სკიდკას ვაძლევთო“ მორჩა და გათავდა. მერე იმ მეურმეების ავეკუნებმა გალესონ შაბ-წყალში ის პროტოკოლები და ეიწვპონ თვალზე.

ევტიხი. შენი იმედი კი მაქვს, მაგრამ მაინც ფრთხილად უნდა იყვეთ...

კანტრალიორი. (აწყვეტინებს ლაპარაკს) ბატონო, მაგ საქმე მე მომანდე. შენ რასა სჩივი და რისთვისა ჰღელდები! პასუხს არაფერში გაგავებიებ, უფულოთ და უშრომლათ ზედმეტ საქონელს ჩაგაბარებ, მხოლოდ (სიცილით) ხომ იცი ხელი ხელსა ჰბანს.

ევტიხი. აბა ეგენი რათ გინდა ჩემთან! დაჰბანს აბა არა! რასაკურველია შრომისთვის საშრომს ყველა ეიღებს. (შემოდის მწონელი).

## II

იგინივე და მწონელი.

კანტრალიორი. აგერ მწონელიც მევიდა.

მწახედი. გამარჯვებათ თქვენი რაშია საქმე, რაცხა ხმამაღლა ლაპარაკობდით?

კანტრალიორი არაფერი, რაცხა პროტოკოლების შეშინებია ხაზენის. ვაიმედებ არაფერი იქნება თქვა, მარა არ მიჯერის.

მწახედი. (იცინის) ნიჩევა, ეს პუსტიაკი საქმეა. ისე გავასოსილო „სავეტის კანტროლები“, რომ თავბედისა ვერა გეიგონ რა, არ შეგქამოთ ქირმა, რომ ისინი წონის დროს მე ვერ მომეპარონ, და რომც მომეპარონ, მინუთში გადავასწორებ დაწერილ ფუთობას. კარანდაშით არ იწერება შე კაცო! მე შენ გითხრა უნუროვანი ყნილაა კანტროლნი პალატის ბეჭდით, რომ ვერაფერი გავბედო. ეს ნუშერი თუ არ გამივა, სხვა ოინებიც ბევრი ვიცი. თქვენ არხეინად ბძანდებოდეთ. ЭТА МИ ЗНАИМЪ СВОИ ДЪЛА.

კანტრალიორი. Канишна знаимъ! მწონელს გააჯავრებენ, მე სად წამივლენ. ყოველ ურემს დაუბრაკამ. არ მომცემენ სკიდკას და სად წავლიან! ეს საქმე ჩვენ კისერზე იყოს, ბატონო და ჩვენ მოვაქაბრაკებთ.

ვეტიხი. თქვენს კისერზე იქნება, მარა ყოველ შემთხვევაში მარჯვეთ უნდა იყოთ, რომ არვეინ წამოგვპაროთ.

მწახედი. (ვეტიხის) მის ჯავრი ნუ გაქვს, ბატონო. Ничего не будить до сами смерти. (კანტრალიორი და მწონელი მიდიან).

ვეტიხი. (მიადახებს მწონელს) პაჟალუსტა, თუ ბევრი ვერ მოახერხო, გირვანქობას მაინც ნუ დოუწერ. И то деньги, ისიც ანგარიშს იხამს.

მწახედი. (კარებში) გელაპარაკებით, გირვანქა კი არა ეს ულაში კატის ბანალი იყოს, თუ ცხენზე ხუთი და ურემზე ათი ფუთი მაინც არ ავკრა. (ორივენი გადიან. მწონელი კანტრალიორს) მაგრამ ის უ... თ... ხა... რი...

კანტრალიორი. მის ჯავრი ნუ გაქვს, უთხარი. Разумеица грѣхъ папаламъ. შენ აქამე ურემზე ოცი ფუთი.

ვეტიხი. (მარტო გაივლ-გამოივლის. შენიშნავს სტოლზე წერილს) ეს რა წერილია! (დააკვირდება წერილის ბეჭედს) ბიჭოს! ეს ორი კვირის გამოგზავნილია და რატომ აქამდის ვერ შევნიშნე! აბა ვნახოთ ვისგანაა. (ხსნის და კითხულობს).

### ჩემო ვეტიხი!

წარსულს თავი დავანებოთ, რაც იყო, იყო. ესლა ცოტა გროშებს მოუფრთხილდი, თორემ მე მეტი მოთმენა აღარ შემიძლიან. მე იმისთვის გამოგყევი შენ, რომ უნდა მარჩინო როგორც რიგი და წესია. მე აწი არ დავიკლებ: არც საქმელს, არც სასმელს, არც ჩასაცმელს და არც დასახურს აბა, შენ თითონ იფიქრე, რა ჭკუაა მე ყველაფერი მოვითმინო და შენ კი რაც იშოვო და იბოვო ყველა კარტში წააგო. იცოდე მე ამ ცოტა ხანში მანდ გავჩნდები და თუ შენ კიდევ თავი არ დაგინებებია კარტისათვის, მაშინ ჩვენი ცხოვრება მოუხერხებელი იქნება და უკაცრავად, მე თუ შენი ოჯახი მივატიო და სხვა მოვნახო. იქნება შენ ეს უკანასკნელი სიტყვები ძალიანაც გესიამოვნოს, მაგრამ მე ისე არ მივატიებ შენს ოჯახს, რომ კვალნი არ დავჩინო. თუ ქალი ვარ ერთ დერ ბანალს არ დავტიებ შენს თავზე. ნახვამდის, შენი ცუცუნია.

(ვეტიხი ჩაფიქრდება და ნაღვლიანად). ეს და მაკლდა! წუხელ მთელი ღამე გავათენე. ორასი მანეთი ისე წავაგე, რომ პაპიროზის ფულიც აღარ დამჩენია, ზედაც ასეთი წერილი! რა ვქნა, რომ აღარ ვაცი! ვაგშორდებიო იწერება. წავიდეს ვინ შერცხვენილი რამეს იტყვის, რომ ამისთანა კაპასი დედაკაცი მომცილდებოდეს, მაგრამ მეზობლებს რა უთხრა, ამხანაგებს, ნიცნობებს! ცოლი ვერ არჩინა და გაექცაო რომ სთქვან სადღა გამოგყო თავი, ვის შევხედო თვალში! (ეძახის ესიკელას).

### III

#### ვეტიხი და ესიკელა.

ვეტიხი. ესიკელა, ესიკელა!

ესიკელა. (შემოდის) რას მიბძანებთ, ბატონო!

ვეტიხი. (ესიკელას) პაპიროსი გექნება თუ კაცი ხარ და დამალევიწე.

ესიკელა. (განზე) ვაიმე, ნამდვილათ. წოუგია წუხელის! (ვეტიხის) კი ბატონო, მიირთვი და მაგრათ მოქაჩე, იქნება ცოტა დარდები გადააყოლო.

ვეტიხი. რის დარდები, ბიჭო, რას ამბობ!

ესიკელა. წუხანდელი წაგების, ბატონო!

ვეტიხი. რა იცი შენ?

ესიკელა. იმე. რავა არ ვიცი! მისდღემში არ მოგიგია და მანდამაინც წუხელის მეიგებდი თუ! (განზე) გლახის დღეობა თუ იყო შეიძლება მეიგე.

ეკტიხი. ეს წერილი როდის მევიდა, ესიკელა? ესიკელა. მაგი ორი კვირეა მოსრულია.

ეკტიხი. მერე, რატომ აქამდის არ მითხარი!

ესიკელა. გვერდში თუ დაგიჯდები თამაშის დროს ტრახტირში, თვარა სხვაგან სად განახავს კაცი. ორი დღეა დაგიძებენ: მიწის მეპატრონე, მეპურე, შტიეგერი, მეურმეები და ჯანაბა იგენის თავს. ყოველ მინუთში გკითხულობენ.

ეკტიხი. რეიზა მკითხულობენ ბიჭო, რა უნდათ? ესიკელა. რა უნდათ და ფული, ბატონო! ანა ჩემ სავიზიტოთ კი არ მოდიან.

ეკტიხი. ესიკელა, თუ კაცი ხარ ვინც მევიდეს უთხარი სახლში არაა თქვა, გესმის? ჯერე მაინც დილაა. წაველ კანტორაში, ფულს ევიღებ და სალამოსთვის დეიბარე ყველა. სალამოს უსიკვდილოთ გაუსწორდები ყველას. ანა, მე მივდივარ, გესმის!

ესიკელა. კი ბატონო, გვევიგე მარა ფული რომ ეიღოთ ახალ გასართობისკენ არ გოუხვიოთ თვარა მე დამახჩიობს ის ხალხი. მერე გოჯასპირს ვინ გადურჩება ცოცხალი!

ეკტიხი. ანა რას ამბობ, ესიკელა! ის ფული მუშებისაა და უნდა დროზე დოურიგო, ხელს როგორ ვახლოებ! (წისვლას აპირებს, მაგრამ ამ დროს შემოდის მეპურე თათარი, რომელსაც ანგარიშის ფურცელი უჭირავს ხელში, ქუდს მოიხდის და სალამს აძლევს).

IV

იგინივე და ბღულა.

ბღულა. (ეგტიხის) სალამ ალექუმ ალა!

ეკტიხი. გაგიმარჯოს! რას გვობძანებ, აბდულ ეფენდი?

ბღულა. ალა, ზოტა პურის გროშებია და იმიტომ მოველი.

ეკტიხი. კარგი, კარგი და სალამოზე უსათუოთ მოგცემ.

ბღულა. დღეილი ხომ არ ილაპარაკა, ხაზინ?

ესიკელა. იმე! ტყუილი აბდულა ხომ არ არის! (გვერდზედ) ანა, რავა იკადრებს!

ბღულა. (ესიკელას) ბიჭო, შენი რა საქმეა? ზადი იქით. (ეგტიხის) ვალლა ზალიან მინდა ფული.

ესიკელა, იფ, იფ, იფ... ფული, რავა მე კისერზე დამადგება თუ?

ბღულა. ბიჭო, მაისა და, ფიე!!!

ეკტიხი. ნუ გეშინიან. აბდულ, სალამოს მოდი და მოგცემ (მიდის).

ბღულა. (ესიკელას) ბიჭო, შენ რა მასხარა გააკეთა! ოქსი თვე მაგის მეურმე ჩემთან პური ქამია, ერთი კაპეიკი არ მოგსემს და შენ ჩემთან მასხარა გააკეთა?!

ესიკელა. ნუ გეშინიან, აბდულ, დღეს ეიდებს ფულს და უეჭველათ მოგცემს სალამოზე. (განზე) ისე აშენდა შენი კერია, იმან შენ ფულზე დავასუნოის.

ბღულა. (ესიკელას) ესიკელა! როდის შენი ხაზინი ფული მოიტანა, შენ ჩემთან უთხარი, ბილურსანი ბირ იახში ხაქაპურ ფეშქეშ ვერირამ. ვალლა სულ კორსხი გადაგასხამ თავზე.

ესიკელა (ხელსა ჰკრავს). პაშოლ, ჩორტ! შენ ყველას გადაასხი, ეშაკ! ერთი ხაქაპურიზა გადაყვები მამა გეცხონდება! დურაკ!

ბღულა (გაჯავრებული). ბიჭო, შენ ვის გალანზღეა? ეშაკი შენა ვარ და დურაკი შენა ვარ. ქართანქალა ქოფოიოღლი!

ესიკელა. პაშოლ, პაშოლ, დურაკ! (ხელსა ჰკრავს და გააგდებს).

V

ესიკელა მარტო.

ესიკელა (დადის). უყურე ამ დონღუზს, რა მითხრა? თავზე გადაგასხამო! ე, ასეთ დურაქებს ალანძღვივებს თავს ჩემი ხაზინი და მეც შიგ მატანიებს. მაინც და რა უბედურ დღეზეა გაჩენილი ეს ჩემი ხაზინი! ვიცი ახლა ეიღებს ფულს თუ არა, მაშინვე წააგებს. ეს დასაქცევი ქიათურა ხომ თელათ სავსეა ტრახტირებით. ერთი უბრალო საყდარი ვერ ოუშენებიენ, რომ კაცმა პირჯვარი დეიწეროს, ან კვდარი მეიხსენიოს და ან ცოცხალი! კარტის და ნარდის სათამაშო იცოცხლე აქანე ბჟირივით იყოს! აგერ ახლა გოუხსნია კიდევ ტრახტირი ვინცხა ბუჭაიჩიაო და სულ დღელეჭღელეჭათ აძრობს ტყავს, ვისაც კი წაეწევა. მერე რა მოქარგული ენა აქ იმ შეჩვენებულს! ყველას ზდილობიანათ უძახის: „პაქალტე სულა მიხალიჩი, პავლოჩი, ალექსანდრიჩი, ნიკოლაიჩი, მობრძანდით გაერთეთ. გული გადააყოლეთ? გუშინეც ქე დამიპირა ქერქის შეძრობა, მარა ვერა! ბვერი მეძახა: „ესიკელა ზალიკიჩი, პაქალიტე სულაო“. მარა რომ

შევჯედი ჯორზე, შევჯედი. ახლა ვიცი ყალბურათ უდგიან ჩემ ხაზინს და რაღაც გამეიარს უეჭველათ შეირთევენ არ უნდა ამას ლაპარაკი. (ისმის კარის რახუნნი) ეე, დაიწყებენ ახლა ფულიზა სიარულს. მეც დავჯდები მედიცინისკი დოხტურივით და თითო-თითოს მივიღებ. (კარს გააღებს. შემოდის გოჯასპირ გაქლექილაჰე).

## VI

## ესიკელა და გოჯასპირი.

გოჯასპირი. გამარჯობა შენი.

ესიკელა. ღმერთმა გადღეგძელოს. რაზე გარჯილხართ, ბატონო?

გოჯასპირი. ევტიხია ბითურიშვილი აქა სცხოვრობს?

ესიკელა. კი, ბატონო, აქ გახლავს.

გოჯასპირი. შენ იმასთან, ხარ სამსახურში გეტყობა.

ესიკელა. კი, ბატონო, თქვენ ვინ ბრძანდებით?

გოჯასპირი. მე გახლავართ აზნაური, გოჯასპირ გაქლექილაძე.

ესიკელა (განზე). გეტყობა რომ გაქლექილაძე ხარ ისტე იპუწყები რაცხას. (გოჯასპირს) ისემც კაი დაგემართოს. მერე და რისთვის გარჯილხართ, ბატონო?

გოჯასპირი (დაჯდება). ბოშო, იმ შენმა ხაზინმა ეს ტუნელი რომ თელათ გამოხიკა, რვა არენდის ფულს მოცემა არ უნდა?

ესიკელა. კი, ბატონო, აგერ ახლა წევიდა ფულის ასადებათ კანტორაში და სალამოს მოგართმევთ. (განზედ) მანამდის არაფერი ჭამა შენმა გვარმა, სანამ იმან შენ ფული არ მოგცეს. (გოჯასპირს) მერე, ბატონო, რა გაჩქარებთ მაგ ფულის აღება. მაგ არენდის ფულზე ხომ არ იქნებით შეჩერებული.

გოჯასპირი. ისტე შენ გასძელი, რაფარც ჩემი ოჯახი საფსე იყოს ყორისფელი სიკეთით: ჭადით, ღვინით, ქათმით, ცხვარით, ღორით და ხარით. ორასი ცხენოსანი რომ მოვიდეს ჩემსას მეზობლისას ტყვილა არ გვეიხედავ არაფრიზა, მარა შე დალოცვილო, მეტი სიმდიდრე ვის გოდოუყრია!

ესიკელა. ამდენი კი გაქვთ, ბატონო?

გოჯასპირი. შენ ნუ მომიკვდები.

ესიკელა. მე რას მიფიცავთ, ბატონო, შინაურები დაიფიცეთ.

გოჯასპირი (ნაწყენი წამოვარდება). რავა, მე ვმასხარაობ გგონია თუ? ან და შენი ტოლი გგონივარ იქნება!

ესიკელა. ვიცი, ბატონო და იმაზა მოგახსენებთ, რომ მე არა ვარ თქვენი ტოლი და ღირსი რომე მე დამიფიცოთ. ისტეველე თქვენი ტოლი კაცი თუ გახდება თქვენი ფიცის ღირსი, თვარა მე საწყალ ესიკელას ვინ მომასწრეს იმ ბედნიერე ბას. რა ფასში ხართ გარიგებული, ბატონო? ბევრი მართებს ჩემს ხაზინს?

გოჯასპირი. ბოშო, ჯერ ღვინწყი კაპეიკი არ ვიცი მისგან. სამჩეთში ქე გოურიგდი, მარა ფული სადაა! საქმე გააწყო, მუშაობა დაიწყო და მერე რამ ჩაყლაბა კაცი არ ვიცი. ნეტავ თვალთ დავინახავდე მეტი არაფერი მინდა. იქნება ქე იცოდე, ბოშო, სადაა!

ესიკელა. იმე, რავა არ ვიცი, ბატონო! კანტორაში წევიდა ფულიზა.

გოჯასპირი. ისეც კაი დაგემართოს, აბა, თუ მე ვერ ვნახე იქანა, შენ უთხარი, რომე გოჯასპირი იყო თქვა და სალამოს შემოვიარ. (გადის).

ესიკელა. კი, ბატონო, მობძანდით. მოდი თვარა ჩვილაგებ გატყინებულ ასიანებს. ფართე ჯიბე დაიკერე, ფართე. დედა, რავალი პრტყელი ტყუილები დაიწყო! დაგიფაროს ღმერთმა ზემოურ აზნაურიშვილთან დალაპარაკება. რომ დეიწყებს უნდა უტიო, თვარა აგიყვანს ჰაერში. (შემოდის კანტრალიორი).

## VII

## ესიკელა და კანტრალიორი

კანტრალიორი. ესიკელა, ევტიხი არ მოსულა?

ესიკელა. ოჰ, ბეკო ივანიჩ! მობრძანდით, მობრძანდით.

კანტრალიორი. არ მცალიან, ევტიხს დავეძებ. ესიკელა (ძალათ შემოჰყავს). მობძანდი, ბეკო ივანიჩ, დედა ნუ მოგიკვდება.

კანტრალიორი. რა იყო, კაცო, რაშია საქმე?

ესიკელა (სიცილით). ის შემოდგომის აზნაურიშვილი არ შეგხვედრია?

კანტრალიორი. კი, კი, აგერ მილაყუნებდა. მარა დავემალე.

ესიკელა. რეიზა, კაცო, ახალ ამბავს გეტყობა. კანტრალიფი. დამანებე, ბიძია, თავი მე მის ტრახბახს ვერ გაუძლებ. მაგან თუ დაიწყო თავის ქება, ბერევის! ას თავიანი ბერის ზღაპარივით სამ დღეს ვერ გაათავებს.

ესიკელა. შენ წახან უნდა გეყურებია, ბეკო ივანიჩ, აქანა რომ დეიწყო. დედა, რავე დაპენტა ტყუილები! „ორასი ცხენოსანი რომ მესტუმროს, მეზობლისას არ გევიხედავო“. ორასი ცხენოსანი კი არა, სამი კუდმოცქვლეფილი თავი ვერ გაძლება მის ბარობაზე. კაცო, რამდენჯერ გამაგზანა ხაზეინმა მაგასთან, მარა მაგ გამოჩერჩეტებული მაინც ვერ მცნობილობს და მეც საცხა შევხვდები შორიდგან ვკითხულობ, მითომ ვერ ვიცნობ. რომ გააგძელებს ენას და გააბტყელებს სიტყვებს: „იმე, ყმაწვილო, ჩემისთანა ოჯახიშვილი მთელ ზემო იმერეთში არ შეინახება. კი, კი, შენ ნუ მოუკვდები ჩემ თავს“. ახლა, ბეკო ივანიჩ, გითხრა რაველი ოჯახიშვილია.

კანტრალიფი. მეიცა, ესიკელა, მაგისა არ მცალიან. ევტიხი უნდა მოენახო, თვარა ფულს ეიღებს კანტორაში და მერე ვინ იცის საით უკრავს თავს!

ესიკელა. მეიცა, მეიცა ბეკო ივანიჩ! ამ ერთი კვირის წინეთ ხაზეინმა გამაგზანა გოჯასპირთან და გზაში გაწვიმდა, რომ დაუახლოვდი მის სახლს, რაცხა ფორთოფინოს ხმა შემომგესმა. რაღმე გაღვირიე კაცი ისე გამიკვირდა, ვინ გოჯასპირი და ვინ ფორტოპიანო თქვა ვიფიქრე. შევალე კარები და მისთანა ფორტოპიანო შენს ტერ მისცეს, რავეარც გოჯასპირს იქინე ედგა! გარეთ კილო მშრალი იყო, ვინემ მის სახშილი? ერთი ოთხმოცდა ჩვიდმეტ ადგილას კი ჩამოდიოდა წვიმა. დეეკაპიწებია ამ ჩვენ გოჯასპირს და ზოგან გობი შეედგა, ზოგან ტაშტი, ზოგან დოქი, ზოგან როდინი, ზოგან ჯამი და ეს წვიმა რომ ეცემოდა გობზე, ტაშტზე, დოქში, როდინში და ჯამზე, ისტე აწყობილი ხმა გამოდიოდა რომე გარედან მე ფორტოპიანო მეგონა. აქანე მეტრახება: „ორას ცხენიანს დაუხვდებო, ხარით, ძროხით საფსეა ჩემი ოჯახიო“. ხარით და ძროხით რა მოგახსენო და კეტერელებით კი თელათ გაქედლია იქაურობა.

კანტრალიფი (მადის და სიცილით ესიკელას). თუ გაგიგონა გოჯასპირმა შენ კი დავასვავს კეტე-

ტელებს. შენ, ჩემო ბიძია, ნუ ეხუმრები იმას, თვარა ძნელი აზნაურიშვილია.

ესიკელა. იმე, იმ ძლინკიანის თუ შემეშინდა კილო და არ ყოფილა საშველი. რას მიზამს, რას კანტრალიფი. რას და ის ხანჯალი რომ ჰკილია გატენილია, ბიძია, გატენილი! (სიცილი) მშვიდობით, მშვიდობით! (გადის).

VIII

ესიკელა და კესარია.

ესიკელა. გატენილი თვარა პრასი არ წამაქრას ყურებზე. გადმოვაბრუნებ და რაც სიგძე აქვს, იმ სიგანეს მივცემ ისტე იცოცხლოს ესიკელამ. (შემოდის კესარია).

კესარია (ესიკელას). ბოშო, გოჯასპირი იყო აქანე?

ესიკელა. კი, ბატონო, გახლდათ.

კესარია. რათ იყო, მერე?

ესიკელა. რაცხა არენდის ფულს თხოულობდა.

კესარია. სად წვევიდა მერე?

ესიკელა. რა ვიცი დასწყევლოს მისი სახსენებელი.

კესარია. სად წავიდა თქვა! მართალი მითხარი, თვარა...

ესიკელა (აწყვეტინებს). იმე, ძალიან დამემუქრე თვარა ქუხნა სახლთან რომ ბჟოლა მიდგია, იგი არ მომითხარო!

კესარია (შეუტევს). სად წვევიდა? მართალი მითხარი, თვარა გიტირებ ყოფას!

ესიკელა. იმე, კანტორაში წვევიდა, ბატონო, კანტორაში!

კესარია. რეიზა წვევიდა, რეიზა?

ესიკელა. ფულიზა წვევიდა, ბატონო, ხაზეინს ეძებს! (განზე) ბიჭო, ეს რა ჭირს გადავეკიდე!

კესარია. (მიდის და კარებში). გესმის? შენ ხაზეინს უთხარი, რომ იმ გოჯასპირს არაფერი მისცე! თვარა ვერც ერთი ვერ მომჩებით ცოცხალი!


ესიკელა (გაკვირვებული). ი, ი!

(დასასრული იქნება).

გოგია.

# წინათ და ახლა.

მრავალ საუკუნეთა განმავლობაში სთელიადა რუსეთს უპასუხისმგებლო, უტიფარი, მძვინვარე და მტარვალნი რეჟიმი თვითმპყრობელობისა. ახრჩობდა, ხვრეტდა, აპატიმრებდა და ციმბირში ასახლებდა ის ხალხს. უმანკო სისხლით რწყავდა რუსეთის ვრცელ მიდამოს...



დღეს კი...